

Gólfefni

FÖSTUDAGUR 27. APRÍL 2018

Kynningar: Egill Árnason, Birgisson, Harðviðarval



Vatnshelt harðparket endist lengur

Fyrirtækið Egill Árnason ehf. hefur selt gólfefni í rúmlega 80 ár og býður upp á vandaðar vörur frá reyndum framleiðendum. Nýjasta varan er vatnshelt harðparket, sem endist mun lengur en hefðbundið. ➔2



Hjá Agli Árnasyni ehf. er hægt að fá vönduð gólfefni fyrir allar aðstæður. MYNDIR/EYÞÓR

Framhald af forsiðu ➔

Fyrirtækið Egill Árnason ehf. hefur starfað í 84 ár, frá árinu 1934. Það selur gólfefni, parket, flísar, hurðir og þiljur fyrir loft. Þjónusta hefur í fjölmörg ár verið eitt af aðalmerkjum fyrirtækisins og það sem skilur það frá samkeppnisáðilum sínum. Starfsmenn fyrirtækisins leggja allt í að veita framúrskarandi þjónustu og fyrirtækið hefur kynnt fjölmargar nýjungar í bæði vörum og þjónustu í gegnum árin, en sú allra nýjasta er vatnshelt harðparket.

„Allir birgjarnir okkar hafa mikla reynslu á markaðnum og bjóða upp á mjög vandaðar vörur,“ segir Auðunn Ingi Ragnarsson sölumaður. „Nokkrir framleiðendurnir eru sívinsælir, eins og Pergo og danska Junckers viðarparketið, sem hefur lengi reynst mjög vel hér á landi. Svo seljum við líka flísar frá Apavisa og Ragno, sem njóta mikilla vinsælda, sem og ýmis önnur vönduð merki.

Ein vinsælasta varan okkar er hið sigilda Pergo harðparket, sem hentar við margar ólíkar aðstæður, bæði í heimahúsum, verslunum, hótélum og veitingahúsum,“ segir Auðunn. „Það má í rauninni segja að Pergo hafi fundið upp harðparketið og komið því á markaðinn. Pergo parketið er framleitt í Svíþjóð og er einhver vandaðasta og umhverfisvænasta framleiðsla á parketmarkaðnum.“

Haka í öll boxin

„Það eru nokkur atriði sem við bendum fólki alltaf á að hafa í huga þegar það velur sér harðparket og þetta eru allt þættir sem Pergo passar vel upp á,“ segir Auðunn. „Við bendum til dæmis á að skoða pressunina í efninu sjálfu. Þú vilt hafa mikla pressun. Því meiri pressun, því sterkara efni og þá þolir það þyngrri högg og meira gönguálag.

Við bendum líka á að skoða áferðina á efninu. Að filman á yfirborðinu fylgi æðunum í efninu, þannig að þetta sé sem raunverulegast,“ segir Auðunn. „Svo viljum við að fólk athugi að það séu góðir

lásar á parketinu, það skiptir miklu máli að lásarnir sem smella fjölnum saman séu sterkbyggðir. Því stærri og sterkari lásar, því minni líkur á að efnið fari að gliðna. Pergo vaxber lásana líka, þannig að það eru minni líkur á að það braki í efninu ef undirgölfíð er ekki alveg rennislétt.“

Raki skemmir hraðast

„Í nýjustu línunni sinni kom Pergo líka með þá nýjung að framleiða harðparket sem er með vatnsheldu yfirborði,“ segir Auðunn. „Þetta er svona nýjasta framförin í harðparketi í dag og það eru ekki margir framleiðendur sem bjóða upp á vatnshelt parket. Í rauninni gætirðu misst vatnsglas niður á þetta parket án þess að það hefði nokkur áhrif á parketið.

Hugmyndin á bak við þessa nýjung kom þegar Pergo fór að kanna hvað það er sem skemmist fyrst á harðparketi,“ segir Auðunn. „Niðurstaðan var að það sem skemmist fyrst eru samskeytin á milli fjala og það má í rauninni segja að það séu bara rakaskemmdir. En með því að láta yfirborðsfilmuna ná alveg niður í botninn og loka þessu komust þeir fyrir þetta vandamál. Þannig lengirðu líftíma parketsins umtalsvert.

Fyrir utan vatnshelda parketið bjóðum við líka aðra nýja tegund parkets, sem er vinyllparket,“ segir Auðunn. „Vinsældir þess hafa aukist hægt og rólega.“

Fjölbreytt þjónusta

Egill Árnason býður upp á ýmiss konar þjónustu. Þar má nefna útkallsþjónustu sem er í boði fyrir stóra viðskiptavinum, verktaka og arkitekta, stóran lager í versluninni með miklu úrvali, tilbodsútreikninga og ráðgjöf, lán á efni svo að fólk geti séð hvernig það kemur út heima fyrir, heimsendingu á vörum gegn vægu gjaldi, móttöku og endurgreiðslu á ónotuðu efni og margt fleira.

„Við getum svo líka bent fólki á iðnaðarmenn sem við þekkjum til og höfum góða reynslu af, þannig að það er ekkert mál að kíkja til okkar til að fá ráðleggingar og nafnspjöld,“ segir Auðunn.



Auðunn segir að harðparketið frá Pergo uppfylli allar gæðakröfur.



Í verslun Egils Árnasonar ehf. er hægt að skoða mikið úrval gæðagólfefna.



Hér má sjá hvernig inngangurinn leit út fyrir framkvæmd. Og hér frá sama sjónarhorni eftir framkvæmdina.

Snuddast með bitlausu málmög

Filippía Þóra Guðbrandsdóttir tekur á móti sælum sumar-dögum í gullfallegum inngangi sem hún hefur breytt og nostrað við til að gera sem huggulegastan.

Þórdís Lilja Gunnarsdóttir
thordisg@frettabladid.is



Ég keypti þessa íbúð í september síðastliðað haust og fannst aðkoman alls ekki nógu aðlaðandi," segir Filippía Þóra Guðbrandsdóttir, geislafræðingur og skrautritari, sem standsetti nýlega tröppur og inngang að íbúð sinni á Högunum í Vesturbæ Reykjavíkur. „Að mínu mati gefur það fyrsta sem maður sér til kynna hvað síðan tekur við. Áður hafði ég málað alla íbúðina og einnig forstofuna sem var orðin verulega sjúkuð og þoldi vel smá yfirhalingu," segir Filippía.

Það sama mátti segja um úti-tröppurnar og aðkomu að innganginum hjá Filippíu.

„Ég leitaði því ráða í Facebook-hópnum Skreytum hús og setti

inn mynd af innganginum eins og hann leit út. Viðbrögðin komu mér á óvart. Allir sem brugðust við innlegginu deildu góðum hugmyndum og að þeim fengnum byrjaði ég að mála útivegginna," útskýrir Filippía.

Alsæl með útkomuna

Filippía fór því næst í IKEA eftir svokölluðum stiklum, en það er gólfklæðning úr timburflisum sem er falleg lausn til að hressa upp á verönd eða svalir.

„Ég hafði líka séð stiklur í BYKO en verðið í IKEA var hagstæðara," upplýsir Filippía sem tók eina helgi í gólfögnina.

„Þótt þetta hafi verið frekar lítið svæði viðurkenni ég að ég varð bæði aum í baki og öll í smáskurðum eftir baslið við að sníða stiklurnar að útihurðinni, en það var í raun eina snuddið. Ég get svo sjálfri mér um kennt því sögin sem

ég notaði var bitlaus málmög, veigalítill og vonlaus í þetta," segir hún og brosir.

Eftir dásamlegt sumar verða stiklurnar settar í geymslu á vetri komanda.

„Undir þeim er plastgrind þannig að þær liggja aldrei ofan á steypu gólfinu heldur flýtur rigningaratn óhindrað niður í niðurfallið sem er þarna hjá mér. Ég mun taka þær af yfir veturinn því það er jafn auðvelt að fjarlægja þær og var að setja þær saman. Festingar á plastgrindinni undir smella saman og þetta er eins þægilegt og hægt er að hafa það," segir Filippía kát.

Munurinn er sannarlega ótrúlegur og inngangurinn hjá Filippíu einkar sumarlegur og flottur.

„Þetta getur ekki verið betra dæmi um „fyrir og eftir“ að mínu mati og ég er alsæl með útkomuna.“



Stiklurnar setja hlýlegt yfirbragð á innganginn hjá Filippíu þar sem notalegt er að setjast niður í bliðviðri sumarsins innan um fallegar jurtir og steina.



Filippía Þóra Guðbrandsdóttir geislafræðingur. MYNDIR/ERNIR

Alla miðvikudaga í Fréttablaðinu

FÓLK – HEIMILIÐ

Alla miðvikudaga í Fréttablaðinu – Þar er meðal annars fjallað um hönnun, húsgögn, garðinn, geymslulausnir, heimilis og raftæki tæki, listmunir svo fátt eitt sé nefnt.

Boðið upp er upp á áhugaverðar greinar og viðtöl við fólk sem hefur yndi af því að fegra heimilið og segir frá sniðugum og snjöllum lausnum.



Upplýsingar hjá auglýsingadeild Fréttablaðsins í síma 512-5402 eða sendu okkur póst á netfangið serblod@frettabladid.is

**Egill
Arnason**™

PERGO®

100% vatnshelt með Aquaseal.
Pressuð fösun og náttúrulegri
áferð en áður.

HARÐPARKET

NÝ HEIMASÍÐA
KOMIN Í LOFTIÐ
WWW.EGILLARNASON.IS

Opunartímar: mán - fös kl. 9-18 og lau kl. 11-15



Flísarnar stækka og njóta meiri vinsælda

Örar tæknibreytingar gera það að verkum að möguleikum í framleiðslu gólfflísa hefur fjölgað til muna. Hjá Birgisson er grannt fylgst með þróuninni og boðið upp á það allra nýjasta í gólfefnum.

Segja má að flísaframleiðslan fylgi svoltið eftir framþróun í ljósmyndatækni. Eftir því sem ljósmyndatækni fleygir fram, þeim mun meiri möguleikar eru í gerð flísa,“ segir Birgir Þórarinsson, forstjóri Birgisson ehf., og tekur fram að með þessum tæknibreytingum hafi til dæmis flísar með marmaramunstri orðið sífellt vinsælli. „Marmorinn sjálfur er ekkert hentugur sem gólfefni, hann dregur svo mikið í sig, en flísarnar eru alveg lokaðar og munstrið er ekki lengur aðeins prentað á því það fer alveg í gegnum flísarnar.“

Spurður nánar út í þessar tæknibreytingar nefnir Birgir að þegar upplausnin hækkar er hægt að framleiða mynstur á miklu betri hátt. „Þannig eiga framleiðslufyrirtækin auðveldara með að líkja eftir náttúrunni og það hefur orðið til þess að sala á flísum hefur aukist á kostnað náttúrusteinsins. Tækninni hefur fleygt fram og flísarnar margar hverjar orðnar eins og sandsteinn eða marmari. Fagmáður sér kannski muninn en leikmáður alls ekki. Svo eru þær mun ódýrari og auðveldari í þrífum.“

Auk flísa með marmaramunstri segist Birgir taka eftir öðru sem vaxið hafi í vinsældum, nefnilega því að flísarnar séu að stækka. „Nú er mjög algengt að við séum að selja gólfflísar sem eru 80x80

cm og svo sjáum við viðskiptavinum taka allt að 240x120 cm flísar fyrir baðherbergi sín. Jafnframt sjáum við að notkunin er að breytast því fólk er farið að setja flísar á eldhúsbekki. Það kemur til vegna þess að hægt er að fá svo stórar flísar í dag, alveg út í það að vera 160x320 cm og þær eru til í þremur þykktum, þ.e. sex, tólf og tuttugu millimetrum.“

Birgir tekur fram að Birgisson sé í samstarfi við ítalska flísaframleiðandann Florim sem sé leiðandi í þessari tæknibylgju, þ.e. í stærri flísum og náttúrulegra útliti en áður hefur þekkt.

Sérþekking starfsmanna og verktaka

Birgir hefur meira en þrjátíu ára reynslu af innflutningi og sölu gólfefna og segist á farsælum ferli hafa komist í kynni við þekktu og virta framleiðendur sem allir séu leiðandi á sínu sviði, þ.e. hvort sem um er að ræða flísar, harðparket eða parket. Fyrirtækin séu öll í fararbroddi. „Við erum þess vegna með allt það nýjasta sem er í gangi hverju sinni og reynum að fylgjast vel með því sem er að gerast. Við erum því oft fyrstir með nýjungar, bæði hvað varðar útlit og tækni í framleiðslu gólfefna.“ Auk þess bendir Birgir á að starfsmenn hans hafi flestir starfað hjá Birgisson

í langan tíma og hafi gríðarlega mikla reynslu og þekkingu á gólfefnum auk þess sem þeir séu lunknir við að leysa þau vandamál sem fólk ber á borð fyrir þá.

Hjá Birgisson er ekki aðeins lögd áhersla á þekkingu starfsmanna því þeir verktakar sem taka að sér að leggja gólfefnin verða einnig að kunna til verka. „Við verðum að þekkja þá sem við mælum með og vita að það eru menn sem hafa þekkingu og vinna gott verk, það skiptir höfuðmáli,“ segir Birgir. „Sem stendur erum við með tólf fagmenn á námskeiði úti í Þýskalandi þar sem þeir fá upplýsingar um allra nýjustu tækni við að leggja flísar í votrymi. Þeir fá kennslu í þeirri tækni og fræðslu um allar þær nýjungar sem við bjóðum upp á.“

Án þess að hann vilji fara ítarlega út í það nefnir Birgir í framhjálaupi að tæknibreytingarnar séu víðar en í flísum. Þannig geti viðskiptavinir Birgisson átt von á nýjung í parketi í haust. „Þetta er nýjung sem ekki er komin á markað en er í farvatninu. Hún gjörbreytir stöðunni hvað parket varðar því þetta er miklu sterkara og höggheldara parket en það sem fólk á að venjast. Við erum komnir með fyrstu prufur og þær sýna fram á að það stenst allt sem okkur var sagt um þessa tækninýjung.“



Gæði og glæsileiki

endalaust úrval af hágæða flísum



Finndu okkur
á facebook

Flísabúðin

Stórhöfða 21 | s: 545 5500 | flis.is

Kährs[®]

QUALITY IN WOOD SINCE 1857



EIK VISTA



VÖNDUÐ &
VISTVÆN VIÐARGÓLF

KÄHRS PARKET BORDLEGGJANDI GÆÐI

Birgisson[®]



Kátir nemendur með kennara sínum, Hallgrími Stefáni Ingólfssyni. MYNDIR/HILMAR FRÍÐJÓNSSON

Frumlegar þrívíddarmyndir á skólagólfi

Nemendur á listnámsbraut Verkmenntaskólans á Akureyri hafa síðustu ár teiknað eina þrívíddarmynd á önn á gólf skólans. Myndirnar eru af ýmsum gerðum en vekja alltaf mikla athygli.

 **HÚSAVIÐGERÐIR.IS**

MÚR- OG STEYPUVIÐGERÐIR
ALHLIÐA MÚRVERK
ÞAKVIÐGERÐIR
GLUGGASKIPTI

HAFÐU SAMBAND
INFO@HUSAVIDGERDIR.IS
SÍMI 565-7070

 Finndu okkur á
Facebook

Starri Freyr
Jónsson
starri@frettabladid.is



Þrívíddargólfefni getur svo sannarlega sett skemmtilegan svip á rýmið, hvort sem um er að ræða heimili, vinnustaði eða stærri rými á borð við verslunarmiðstöðvar og stórfyrirtæki. Vafalaust eiga landsmenn eftir að sjá fleiri slík gólf á næstu árum en enn sem komið er eru þau afar sjaldgæf hér á landi.

Undanfarin ár hafa nemendur í þrívíddaráfanga, sem kenndur er á listnámsbraut Verkmenntaskólans á Akureyri (VMA), unnið saman að einu þrívíddarverkefni á önn sem sýnt er í lok hverrar annar ásamt öðrum verkefnum listnema skólans.

Á haustönn 2015 var verkefni nemenda heitur pottur sem teiknaður var á gólf við norðurinnangang skólans. Hallgrímur Stefáni Ingólfsson listgreinakennari kennir nemendum þrívíddaráfangann og hefur haft umsjón með þessum verkefnum undanfarin ár. „Þetta verkefni á hverri



Vinnan sjálf tekur bara nokkrar klukkustundir.

önn er eitt margra sem nemendur í faginu taka sér fyrir hendur yfir önnina. Ferlið fer þannig fram að hver nemandi kemur með skissu af eigin hugmynd og svo kýs hópurinn hvaða verk verður teiknað á gólföld en það er bara pláss fyrir eitt verk á önn. Flisarnar á gólfinu eru ferningslaga og bjóða upp á að hægt sé að leika sér með þær.“

Þekjultitir eru notaðir til að teikna þrívíddarmyndirnar þannig að auðvelt er að þvo þær af þegar sýningu listnema lýkur. Vinnan sjálf tekur bara nokkra klukkutíma að sögn Hallgríms og gekk vel í þetta skiptið. „Því miður reyndist ekki unnt að mála verk í lok síðustu annar en við stefnum ótraud á að gera þetta að föstum liði í lok áfanga.“

Hágæða harðparket frá Quick-Step

Harðviðarval hefur frá stofnun árið 1978 boðið upp á breitt úrval gólfefna og aðstoð að fólk við val á þeim í fjölbreytt verkefni. Aron Ágústsson sölumaður segir Quick-Step harðparketið njóta mestra vinsælda.



Aron Ágústsson, sölumaður hjá Harðviðarvali, segir harðparket njóta vinsælda. MYNDIR/STEFÁN

Viðamiklar breytingar hafa staðið yfir á sýningarsal okkar, viðskiptavinum til hagsbóta. Hæst ber að nefna nýja viðbót við flísauval okkar frá ítalska framleiðandanum Marazzi en einnig höfum við aukið úrvalið af vinylparketi. Það gólfefni sem hefur þó notið hvað mestra vinsælda síðastliðin ár hjá okkur er Quick-Step harðparket,“ segir Aron Ágústsson, sölumaður hjá Harðviðarvali.

„Við höfum selt harðparket frá belgíska hágæðaframleiðandanum Quick-Step í um 20 ár og hefur það skipað sér sess sem eitt þekktasta harðparketvörumerkið á markaðnum. Quick-Step harðparketið er ein af ástæðum þess að talað er um harðparket en ekki plastparket í dag. Það er vegna þess hve eðlilegt og gæðamikið það er og þolir mikið álag. Quick-Step hefur verið leiðandi í þróun harðparkets frá upphafi og árið 2014 kynnti fyrirtækið línu með 100% vatnsheldum köntum og yfirborði sem ekki hafði þekkt áður. Í dag eru línurnar þrjár sem hafa þessa eiginleika,“ segir Aron.

„Þar sem fáir framleiðendur harðparkets bjóða upp á vatnshelt yfirborð spyr fólk okkur gjarnan hvort yfirleitt sé þörf á vatnsheldu yfirborði. Stutta svarið er já. Skemmdir og bólgur í samskeytum af völdum vatns eru ein helsta ástæða þess að harðparket verður ónýtt. Með þessari línu getur fólk verið áhyggjulaust með parket í eldhúsi, forstofu og meira að segja baðherbergi en Quick-Step ábyrgist 10 ára notkun á baðherbergjum.“

Þegar velja á harðparket

Þó að vatnsheldni skipti miklu máli eru nokkur atriði sem við bendum fólki á að skoða við val á harðparketi,“ segir Aron „Að yfirborðið sé með matti og eðlilegri viðarferð og að yfirborðsslitfilma sé ofan í brúnina á köntum parketsins en við það fæst fallegra, vatnspólnara og eðlilegra útlit. Slitfilma ofan í kanta lengir endingu efnisins til muna en algengt er að kantar harðparkets séu málaðir og er þá greiðari leið fyrir vatn eða önnur óhreinindi ofan í samskeyti og parketið slitnar mun fyrr á köntum. Þetta á ekki við um Quick-Step harðparketið.“

Pressan í kjarna efnisins getur verið misjöfn og það skiptir máli að hún sé mikill. Því meiri sem hún er, því meira er höggþol efnisins og heildarstyrkur. Læsingar á efninu þurfa einnig að vera stórar og öflugar til að koma í veg fyrir gliðnun á lásun. Ef fólk skoðar alla eiginleika Quick-Step harðparketsins eru fá efni sem toppa það. Til gamans má geta að við erum með Quick-Step harðparket á stórum hluta í sýningarsalnum okkar þar



Harðviðarval selur meðal annars hágæða parket frá Quick-Step



Harðparket frá Quick-Step má nota í eldhúsi og baðherbergjum.



Viðskiptavinir fá faglegar ráðleggingar um val á gólfefnum hjá starfsfólki. „Við lánum heim heila pakka ef fólk vill skoða gólfefnið betur í réttu umhverfi.“

sem gríðarlegt álag er á gólfinu frá blautum skóm, sandi, steinum og fleiru, og sér ekki á gólfinu í versluninni,“ segir Aron.

„Við hjá Harðviðarvali tökum vel á móti fólki og leggjum okkur fram við að aðstoða við val á gólfefnum, lánum út stórar prufur, bæklinga og gerum verðtilboð. Við lánum jafnvel út heila pakka ef fólk vill skoða gólfefnið betur í réttu ljósi og umhverfi. Einnig eigum við fjölbreytt úrval fylgihluta. Þar ber helst að nefna breitt úrval af hvítum og samlitum gólflistum sem og hljóðeinangrandi undirlag fyrir mismunandi kröfur. Við bendum fólki á að skoða kosti Quick-Step harðparketsins því mikill gæðamunur getur verið á milli harðparketframleiðenda.“



Mikið úrval af hágæða gólfefnum er að finna í sýningarsal Harðviðarvals. Salurinn er að stórum hluta lagður harðparketi frá Quick-Step.

VANDAÐU VALIÐ

HARÐPARKET

Eik Impressive

Vatnshelt harðparket
með Hydra Seal.

Meiri pressun í millikjarna og
100% lokuð fösun á milli borða.

25 ára ábyrgð.

Allt að 10 sinnum meira
rispuþol en áður.



HARÐVIÐARVAL




Ljós parketgólf hafa verið vinsæl undanfarið.

Það er hægt að mála parketið

FRÉTTABLAÐIÐ.IS

Stendur undir nafni



FRÉTTABLAÐIÐ



FRÉTTABLAÐIÐ APP



FRÉTTABLAÐIÐ.IS

Pröstur Ingvarsson, sölustjóri hjá Slippfélaginu, segir að vel megi mála eldra parket en vanda þurfi til verka. Í tísku er um þessar mundir að mála með þekjandi litum yfir parketið.

Elin
Albertsdóttir
elin@frettabladid.is



Pröstur segir að það þurfi að þrifa parketið mjög vel og leysa upp allt bón ef á að bera á það aftur. Það er gert með sérstökum efnum eins og bónleysi eða málningarsápum. Allan gljáandi flöt þarf að slípa með judara og það er nokkuð mikil vinna. Ef mála á með þekjandi málningu þarf að slípa parketið fyrst upp með slípivélum en slíkar vélar er hægt að leiga hjá stærstu byggingavöruverslunum. „Við finnum fyrir því hjá Slippfélaginu að það er áhugi fyrir því að mála eldra parket, lýsa það upp, mála það hvítt eða í dökkum litum. Það geta flestir gert þetta sjálfir en við bendum þó fólki á fagmenn því mikilvægt er að þetta sé vel gert. Ef málningin fer að flagna vegna ónægðar undirvinnu verður gólfíð fljótt ljótt.“

Misjafn smekkur

Þegar Pröstur er spurður hvort það sé ekki synd að mála yfir parket sem búið er að slípa upp og gera fint, játar hann því. „Mín skoðun er sú að fallegast sé að hafa viðarlit á parketinu en ég veit auðvitað hvernig tiskan er,“ svarar hann. „Þegar búið er að slípa gólfíð er hægt að bera á það matt eða glært lakk og þá verður það eins og nýtt. Ef maður vill hins vegar fá til dæmis gráan lit á gólfíð þarf að grunna það eftir að það hefur verið slípað og síðan mála það. Það er hægt að fá þessa málningu í öllum litum og það er auðvitað bara smekkur hvers og eins hvernig hann vill hafa gólfíð á heimili sínu.“



Pröstur Ingvarsson, sölustjóri hjá Slippfélaginu. MYND/EYÞÓR

Pröstur segir að þetta eigi ekki við um sumarþustaði. Þar vilji fólk halda í viðarlitinn og lakki einungis yfir hann. „Það er reyndar mjög mikill málningaráhugi um þessar mundir. Mjög margir eru að breyta litum á heimilinu. Gráir tónar hafa verið vinsælir en núna finnst mér þetta vera öll flóran. Það er mikið beðið um græna liti, dökkrauða og bláa. Við segjum gjarnan að málning sé ódýr leið til að gera hreint og fint í kringum sig.“

Svalagólfíð þarf líka málningu

Þar sem vorverkin nálgast var Pröstur spurður hvort nú væri ekki tími til að mála svalagólfíð. „Við mælum með því frá því í maí og fram í september. Það þarf að vera vel þurrst fyrst þarf að þrifa svalagólfíð mjög vel. Alla gamla málningu þarf að skafa burt og fituhreinsa með góðri sápu. Mengun sest á svalagólf og því mjög mikilvægt að þrifa það vel og vandlega,“ segir Pröstur og þá er bara best að hefjast handa og þrifa fyrir sumarið.

parket
gólflistar

mottur

gólfhreinsiefni

harðparket

teppi

teppaflísar

dreglar

vinylflísar

stíga húsa teppi

klæðningarefni

viðarparket

vegg





Þrívíddarprentað gólfmunstur

Hollenska hönnunarfyrirtækið Aectual hefur þróað nýja aðferð við að leggja terrazzo-gólf. Fyrirtækið notar þrívíddarprentara til þess að prenta upphleypt munstur á gólf-flötinn sem síðan eru fyllt með terrazzo.

„Möguleikarnir eru óþrjótandi og veita hönnuðum algjört frelsi,“ sagði Hans Vermeulen, framkvæmdastjóri Aectual, við hönnunartímaritíð Dezeen. „Með þessari aðferð má búa til stórbrotin og skrautleg gólf til dæmis í hótelmóttöku eða verslunarhúsnæði.“



Aectual er hliðarverkefni Vermeulen og tveggja hönnuða arkitektastofunnar DUS sem vinnur að því að þrívíddarprenta hús í Amsterdam. Vermeulen og félagar hafa þegar þrívíddarprentað terrazzo-gólf í verslunarmiðstöð í Tókýó og vinna einnig að því að prenta gólf í Schiphol-flugstöðinni.



Tölvustýrður armur prentar munstur úr lífrænu „plasti“ sem búið er til úr plöntum. Munstrið er síðan flutt á áfangastað og lagt á gólfíð. Þá er terrazzo, sem búið er til úr endurunnu graníti og marmara og lífrænu bindiefni, hellt ofan í og loks pólerað vandlega yfir.

Aectual fullyrða að gólfíð sé slitsterkt. Það sé einnig umhverfisvænni lausn á gólfefni en margar aðrar þar sem efnin sem notuð eru í gólfíð eru bæði lífræn og endurvinnanleg.

www.dezeen.com



Ráð gegn blettum á bílskúrgólfum og innkeyrslum

Það er algengt að alls kyns blettir komi á bílskúrgólf og innkeyrslur eftir mótórolíu, bensín, girvökva og fleira. Þessir blettir geta verið erfiðir viðureignar, en sem betur fer eru til góð ráð gegn þeim.


Það þarf mismunandi aðferðir til að vinna á ólíkum blettum á ólíku yfirborði, en það er alltaf best að þrifa blettinn áður en hann þornar, ef það er hægt.

Það er gott að hylja blauta olíubletti í innkeyrslunni með kattasandi, matarsóða eða öðru rakadrægu efni til að þurrka þá upp. Þegar bletturinn er orðinn þurr er gott að bleyta upp í honum með vatni og

skrúbba hann með stífum bursta og blöndu af matarsóða og vatni. Svo þarf að smúla innkeyrsluna.

Steinsteypt bílskúrgólf eru yfirleitt sterkari en innkeyrslur og það er hægt að ná flestum olíublettum af þeim með því bleyta upp í blettinum með smurefni og þvo svo og skola með sápu og vatni.

Sumir nota ofnahreinsi til að þrifa bletti, sérstaklega af ljósri steinsteypu. Þá er gott að láta hann liggja á í 10 mínútur, skrúbba blettinn með stífum bursta og skola svo með miklum krafti. Ef það virkar ekki er hægt að endurtaka leikinn.



MARKAÐURINN

Viðskiptafréttir sem skipta máli



Markaðurinn fylgir Fréttablaðinu á miðvikudögum

» Þú getur einnig nálgast Markaðinn í Fréttablaðs appinu



FRÉTTABLAÐIÐ.IS



FRÉTTABLAÐIÐ APP